



জাতীয় ক্ষুদ্র ও মাঝারি (এসএমই) উদ্যোক্তা পুরস্কার ২০২৬

আবেদন আহ্বান

পুরস্কারের ধরন/ক্যাটাগরি

- বর্ষসেরা মাইক্রো উদ্যোক্তা (পুরুষ)
- বর্ষসেরা মাইক্রো উদ্যোক্তা (নারী)
- বর্ষসেরা ক্ষুদ্র উদ্যোক্তা (পুরুষ)
- বর্ষসেরা ক্ষুদ্র উদ্যোক্তা (নারী)
- বর্ষসেরা মাঝারি উদ্যোক্তা (পুরুষ)
- বর্ষসেরা মাঝারি উদ্যোক্তা (নারী)
- বর্ষসেরা স্টার্টআপ
- গ্রিন এসএমই বিজনেস

কর্মসংস্থান সৃষ্টিসহ অর্থনৈতিক ও সামাজিক উন্নয়নে বিশেষ অবদান রাখছেন কিংবা নিজ উদ্যোগে ব্যবসা শুরু করে সৃজনশীলতা, মেধা, শ্রম, প্রচেষ্টা ও অধ্যবসায় ইত্যাদি গুণাবলীর মাধ্যমে উদ্যোগকে টেকসই, মুনামুখী ও ক্রমবর্ধমান পর্যায়ে নিয়ে গিয়েছেন এ ধরনের ক্ষুদ্র ও মাঝারি উদ্যোক্তাকে স্বীকৃতি ও উৎসাহ প্রদানের লক্ষ্যে এসএমই ফাউন্ডেশন প্রতি বছর 'জাতীয় এসএমই উদ্যোক্তা পুরস্কার' প্রদান করে থাকে। এ লক্ষ্যে উদ্যোক্তাদের নিকট হতে উন্মুক্ত আবেদন/দরখাস্ত সংগ্রহ পরবর্তীতে স্বচ্ছ প্রক্রিয়া ও সুনির্দিষ্ট ক্রাইটেরিয়া অনুসরণ করে স্বাধীন জুরি বোর্ডের মাধ্যমে পুরস্কারের জন্য যোগ্য উদ্যোক্তা বাছাই করা হয়। পুরস্কারপ্রাপ্ত উদ্যোক্তাদের অনুকূলে নগদ অর্থসহ ক্রেস্ট ও সার্টিফিকেট প্রদান করা হয়। ফাউন্ডেশন আয়োজিত জাতীয় এসএমই পণ্য মেলার উদ্বোধনী অনুষ্ঠানে এ পুরস্কার বিতরণ করা হয়।

এ ধারাবাহিকতায় জাতীয় এসএমই উদ্যোক্তা পুরস্কার ২০২৬ প্রদানের উদ্যোগ গ্রহণ করা হয়েছে। নভেম্বর ২০২৬ এ অনুষ্ঠেয় জাতীয় এসএমই পণ্য মেলার উদ্বোধনী অনুষ্ঠানে এ পুরস্কার প্রদান করা হবে। পুরস্কারের জন্য শুধু 'উৎপাদন অথবা সেবামূলক' ব্যবসার সাথে সংশ্লিষ্ট উদ্যোক্তাদেরকে বিবেচনা করা হবে এবং পুরুষ ও নারী-উদ্যোক্তাদের পৃথকভাবে পুরস্কার প্রদান করা হবে। এছাড়া একটি স্টার্টআপ এবং একটি পরিবেশবান্ধব/গ্রিন এসএমই বিজনেস পুরস্কার প্রদান করা হবে। ট্রেডিং ব্যবসার সাথে সংশ্লিষ্ট উদ্যোক্তাদের পুরস্কারের জন্য বিবেচনা করা হবে না।

মাইক্রো, ক্ষুদ্র ও মাঝারি উদ্যোক্তা নিয়ে প্রত্যক্ষ কিংবা পরোক্ষভাবে কাজ করে এ ধরনের সরকারি-বেসরকারি প্রতিষ্ঠান, বিশেষ করে ট্রেডবডি, অ্যাসোসিয়েশন, উদ্যোক্তা সংগঠন, ব্যাংক, আর্থিক প্রতিষ্ঠান, এনজিও, দেশী-বিদেশী উন্নয়ন সংস্থার দৃষ্টিতে যদি কোন উদ্যোক্তা বা প্রতিষ্ঠানকে পুরস্কারের জন্য যোগ্য বিবেচিত হয়, সেক্ষেত্রে প্রতিষ্ঠানটি উক্ত উদ্যোক্তা/প্রতিষ্ঠানের সম্মতিক্রমে পুরস্কারের জন্য সুপারিশসহ আবেদন করতে পারবেন।

জাতীয় এসএমই উদ্যোক্তা পুরস্কার ২০২৬ এর জন্য সারা দেশের উদ্যোক্তাদের নিকট হতে আবেদন আহ্বান করা যাচ্ছে। আগ্রহী উদ্যোক্তাগণ যেকোন একটি ক্যাটাগরিতে আবেদন করতে পারবেন। আবেদনপত্রসহ বিস্তারিত তথ্য এসএমই ফাউন্ডেশনের ওয়েবসাইট (www.sme.gov.bd) এবং ভেরিফাইড ফেসবুক পেইজ (SME Foundation) এ QR কোড স্ক্যান করে গুগল ফরমে আবেদন করতে হবে।

আবেদনের শেষ তারিখ: ৩১ আগস্ট ২০২৬ সোমবার বিকাল ৪.০০টা



আবেদনের জন্য
QR কোড স্ক্যান করুন



ক্ষুদ্র ও মাঝারি শিল্প ফাউন্ডেশন
শিল্প মন্ত্রণালয়

পফটন ভবন (লেভেল ৬-৭), ই/৫-সি/১, আগারগাঁও প্র/এ, ঢাকা-১২০৭
+৮৮০২৪১০২৪১০৮-১০ এক্স. ১৫৫, ১২৩, ১১৩)

০১৪০০৮২২৯০২, ০১৭৬১৮৩৩১৪, ০১৭২১০১২৩৪০

(সকাল ০৯.০০ টা হতে বিকাল ৪.০০ পর্যন্ত)

Follow us

স্পষ্টীকরণ ও শর্তাবলী

- ১) বর্ষসেরা মাইক্রো উদ্যোক্তা, বর্ষসেরা ক্ষুদ্র উদ্যোক্তা ও বর্ষসেরা মাঝারি উদ্যোক্তা- এতিনটি শ্রেণীতে পুরুষ ও নারী উদ্যোক্তাদের পৃথকভাবে পুরস্কার প্রদান করা হবে। এছাড়া একটি দেশীয় 'স্টার্টআপ প্রতিষ্ঠান' এবং উদ্যোক্তা উন্নয়নে অর্থবহ অবদান রেখেছেন/ রাখছেন- এধরণের একজন সফল উদ্যোক্তাকে বিশেষ পুরস্কার প্রদান করা হবে।
- ২) এটি 'উদ্যোক্তা পুরস্কার' বিধায় পুরস্কারের জন্য উদ্যোক্তাকে বিবেচনা করা হবে, উদ্যোক্তার প্রতিষ্ঠানকে নয়। আগ্রহী উদ্যোক্তা তাঁর মালিকানাধীন সুনির্দিষ্ট ব্যবসা প্রতিষ্ঠানের বিপরীতে আবেদন করবেন। উদ্যোক্তার প্রতিষ্ঠানটি পার্টনারশিপ/অংশীদারী ব্যবসা হলে-অন্য পার্টনারদের নাম ও ফোন এবং আবেদনপত্রের সাথে তাঁদের সম্মতিপত্র কিংবা এবিষয়ে সভার রেজুলেশন দাখিল করতে হবে।
- ৩) উদ্যোক্তার একাধিক ব্যবসায়িক প্রতিষ্ঠান থাকলে তিনি যেকোন একটি প্রতিষ্ঠানের বিপরীতে আবেদন করবেন এবং আবেদনপত্রে উক্ত প্রতিষ্ঠানের তথ্য উল্লেখ করবেন- তবে তিনি প্রয়োজনে অন্যান্য প্রতিষ্ঠানের তথ্যাদি সংযুক্তি আকারে আবেদনপত্রের সাথে দাখিল করতে পারবেন।
- ৪) প্রতিটি ক্যাটাগরির জন্য একজন উদ্যোক্তাকে বিবেচনা করা হবে, একাধিক উদ্যোক্তাকে নয়।
- ৫) উদ্যোক্তাকে অবশ্যই বাংলাদেশের নাগরিক হতে হবে এবং তিনি শিল্পনীতি-২০২২ এর সংজ্ঞা অনুযায়ী- অতিক্ষুদ্র (মাইক্রো), ক্ষুদ্র ও মাঝারি- এ তিনশ্রেণীর যেকোন একশ্রেণীর উদ্যোক্তা হতে হবে। কুটির ও বৃহৎ- এ দুই শ্রেণীর উদ্যোক্তার আবেদন বিবেচনা করা হবেনা। এছাড়া, কেবলমাত্র উৎপাদন ও সেবামূলক ব্যবসার সাথে সংশ্লিষ্ট উদ্যোক্তারা আবেদন করতে পারবেন, ট্রেডিং কিংবা আমদানি ব্যবসার সাথে সংশ্লিষ্ট উদ্যোক্তারা আবেদন করতে পারবেন না।
- ৬) স্টার্টআপ প্রতিষ্ঠান ব্যতিরেকে অন্যান্য উদ্যোক্তার ব্যবসা পরিচালনায় ন্যূনতম ৫ (পাঁচ) বছরের অভিজ্ঞতা থাকতে হবে (ট্রেড লাইসেন্স অনুযায়ী)।
- ৭) সৃজনশীল, অপ্রচলিত, রপ্তানিমুখী, পরিবেশবান্ধব এবং অধিক কর্মসংস্থান সৃষ্টি করছে- এধরণের উদ্যোক্তাদের আবেদনকে অগ্রাধিকার প্রদান করা হবে।
- ৮) ঋণ খেলাপী ও কর খেলাপী উদ্যোক্তার আবেদন বিবেচনা করা হবেনা।
- ৯) বাছাই প্রক্রিয়া: এসএমই ফাউন্ডেশন নির্দিষ্ট সময়ের মধ্যে প্রাপ্ত আবেদনপত্রসমূহ যাচাই ও পর্যালোচনা করে বর্ণিত শর্তাবলী প্রতিপালন এবং আবেদনপত্র যথাযথভাবে পূরণ করেছে- এধরণের আবেদনসমূহের একটি তালিকা প্রস্তুত করবে। বাছাইকৃত সকল উদ্যোক্তাদের নিকট হতে পরবর্তীতে পুনরায় আবেদন পত্র গ্রহণ করা হবে। এবিষয়ে গঠিত একটি স্বাধীন ও স্বতন্ত্র জুরি বোর্ড সুনির্দিষ্ট ক্রাইটেরিয়া এবং সার্বিক বিষয় বিবেচনা করে পুরস্কারের জন্য একটি প্রাথমিক তালিকা প্রস্তুত করবে।
- ১০) এসএমই ফাউন্ডেশন-উদ্যোক্তা কর্তৃক প্রদত্ত তথ্য-উপাত্ত যাচাইসহ উদ্যোক্তা প্রতিষ্ঠান/কারখানায় সরেজমিন পরিদর্শন ও অনুসন্ধান, উদ্যোক্তা ও তাঁর প্রতিষ্ঠানের সহকর্মীদের সাথে আলোচনা ও সাক্ষাৎকার গ্রহণ এবং প্রয়োজনে এসকল কার্যক্রম ও সাক্ষাৎকারের ভিডিও চিত্র ধারণ করবে।
- ১১) এসএমই ফাউন্ডেশন সুনির্দিষ্ট কারন-দর্শা ও ব্যতিরেকে যেকোন সময় 'জাতীয় এসএমই উদ্যোক্তা পুরস্কার-২০২৬' প্রক্রিয়াটি সম্পূর্ণ বাতিল কিংবা এর আংশিক পরিবর্তন, পরিমার্জন, পরিবর্ধন ও সংশোধনের অধিকার সংরক্ষণ করে। এছাড়া এসএমই ফাউন্ডেশন সুনির্দিষ্ট কারনে যেকোন একটি বা একাধিক কিংবা সকল আবেদন বাতিল করার অধিকার সংরক্ষণ করে।
- ১২) পুরস্কার প্রদানের বিষয়ে এসএমই ফাউন্ডেশনের সিদ্ধান্ত চূড়ান্ত বলে গণ্য হবে। এ বিষয়ে কোনরূপ প্রশ্ন উত্থাপন গ্রহণযোগ্য নয়।
- ১৩) আবেদনপত্রটি যথাযথভাবে পূরণ করে এসএমই ফাউন্ডেশনের অনুকূলে প্রেরণ করতে হবে। আবেদনপত্রের সাথে নিম্নোক্ত ডকুমেন্টস অবশ্যই দাখিল করতে হবে:
 - i) এক কপি পাসপোর্ট সাইজের ছবি
 - ii) হালনাগাদকৃত ট্রেড লাইসেন্সের ফটোকপি
 - iii) টিআইএন ও ভ্যাট রেজিস্ট্রেশন সনদপত্রের ফটোকপি
 - iv) ২০২৪-২৫ অর্থবছরে আয়কর জমাদানের রশিদ (যদি থাকে)
 - v) ভোটার আইডি/স্মার্ট কার্ডের ফটোকপি
 - vi) ক্ষুদ্র ও মাঝারি প্রতিষ্ঠানের ক্ষেত্রে বিগত তিন বছরের নিরীক্ষিত হিসাব-বিবরণী/অডিট রিপোর্ট (প্রযোজ্য ক্ষেত্রে)
 - vii) অন্যান্য আইনগত সনদপত্র (প্রযোজ্য ক্ষেত্রে, যদি থাকে, যেমন- বিএসটিআই সার্টিফিকেট, ফায়ার লাইসেন্স ইত্যাদি)
 - viii) উদ্যোক্তা প্রয়োজন মনে করলে, তাঁর ব্যবসা প্রতিষ্ঠানের স্বপক্ষে ব্রোসিউর, ক্যাটালগ, নিউজপেপার কাটিং, কারখানার ছবি ইত্যাদি সংযুক্ত করতে পারবেন
- ১৪) আবেদন জমা দেয়ার শেষ তারিখ **৩১ আগস্ট ২০২৬ সোমবার বিকাল ৪.০০টা**
- ১৫) আবেদনপত্রের 'সফটকপি' এসএমই ফাউন্ডেশনের ওয়েবসাইট কিংবা ভেরিফাইড ফেসবুক পেইজে লিংক আকারে পাওয়া যাবে। উক্ত লিংক হতে ডাউনলোড করে ইমেইল কিংবা ডাক/কুরিয়ার যোগে ফাউন্ডেশন বরাবর প্রেরণ করা যাবে। এছাড়া লিংকের মাধ্যমে সরাসরি আবেদনপত্র পূরণ করে সমর্থিত ডকুমেন্ট আপলোড করে আবেদনপত্র ডিজিটালি ফাউন্ডেশন বরাবর প্রেরণ করা যাবে।
- ১৬) এবিষয়ে কোন তথ্য সহায়তা কিংবা স্পষ্টীকরণের জন্য এসএমই ফাউন্ডেশনে যোগাযোগ করার জন্য অনুরোধ করা হল (ফোন: ৪১০২৪১০৮-১০; এক্সটেনশন: ১৭১,১৫৫, ১২৩)। এছাড়া প্রয়োজনে ০১৪০০৮২২৯০২, ০১৭৬১৮৩৩১৪, ০১৭২১০১২৩৪০, (সকাল ১০.০০ টা হতে বিকাল ৪.০০ পর্যন্ত)।
- ১৭) আবেদনপত্র পাঠানোর ঠিকানা: ব্যবস্থাপনা পরিচালক, ক্ষুদ্র ও মাঝারি শিল্প ফাউন্ডেশন (এসএমই ফাউন্ডেশন), পর্যটন ভবন (লেভেল ৬ ও ৭), ই-৫/সি-১ আগারগাঁও প্রশাসনিক এলাকা, শের-ই-বাংলা নগর, ঢাকা-১২০৭, বাংলাদেশ।